

# 野史


八十一

第二百三十九卷 武臣列傳  
 牧野成定 青山忠俊  
 第二百四十卷 武臣列傳  
 松平康長 戸田忠次 戸田一面  
 第二百四十一卷 武臣列傳  
 松平康親 岡部正綱  
 第二百四十二卷 武臣列傳  
 菅沼定盈 皆川廣照 加加爪政豊  
 中山定範

和書門	
一〇〇冊	類
九架	函
一三四	號
一三五	號
一三六	號

内閣文庫	
番號	和 10356
冊數	100(81)
函號	269 35

内閣文庫	
和書	類
一〇三五六	號
一〇〇冊	架
一五	函
二六九	冊





共百  
和三千九十二號

野史卷二百三十九



武臣列傳

第百四十七

牧野成定 牧野成命

青山忠俊

牧野成定。參河人也。本姓紀氏。更稱源氏。

○藩翰譜。牧野家譜並云。平氏士讚岐國人阿波民部重能子。田內左衛門教繼之後也。平氏滅而失領邑。子孫移住。稱牧野也。註云。牧野本田內。稱

田內後作田口

飯田忠彦 修  
男 文彦 訓點  
竹中邦香 校

野史卷二百三十九

源氏未詳。○野史氏按。武德編年集成云。參州八名郡真木邑住人真木新二郎成定。非牧野傳藏成繼族而別種也。越中守宗二郎皆成定支族也。傳藏成三亾而後。各稱牧野。據之考。聊似有據。然未見成定家傳稱真木族者。故姑附之。猶當考。

父曰貞成。稱右馬允。一本牧野家譜。成定初字新二郎。更稱

右馬允。繼父居牛窪寨。屬吉良義昭。守西尾城。永祿四年九月。吉良義虎與其兄義昭不和。因酒井正親歸降東照宮。正親發兵攻西尾城。成定勢屈。棄城而還牛窪。潘翰譜。武德編年集成。又屬今川氏真。與東照宮師。或

戰于小坂井赤坂。潘翰譜。七年四月。成定及戶田主殿

助率兵。爲八幡後援。陣于御油臺。據地理。捍鬪。與岡碕兵戰。頗有利。會東照宮親出伐之。成定等皆敗走。

編年集成。成定及族清成。成行等咸屬氏真。築壘。割

據。成定臣稻垣長茂。雖年尙弱。深慮熟鍊武畧。頻勸成定歸順。乃憑酒井忠次。石川數正。乞降。東照宮許可。清成等猶未服。成定獨迎入岡碕兵於牛窪小坂井二寨。清成等懼而奔于今橋。乃今吉田。歷年而後。成定臣長茂及山本成氏列仕。麾下云。編年集成。五月。成定暨忠次。數正從一宮後援。編年集成。

○中興源記載。成定以永祿六年四月歸順。又藩  
翰譜作永祿八年。一本牧野家譜作永祿九年五  
月。諸說乖異。故附以備考。

八年。成定與清成爭其采邑。三月。攻今橋城。陷之。藩翰

成定嘗以金扇為背標。東照宮懇請以為騎驗。殊

命成定。猶用金扇。令為背標云。中興源記。九年五月。東照

宮遣水野信元。逐卻清成。使成定悉領其食邑。藩翰

譜、編年。命改稱源氏。一本。是冬十月。卒。歲四十二。家譜

康成。本名貞成。小字新二郎。父卒時歲甫十三。藩翰

藩翰譜備。法名皎月光輝。號養修院。藩翰譜備。子

為質在駿府。永祿十二年。追今川氏真出亡之秋。得

還采邑。藩翰譜引水野信元。東照宮命令繼父後。藩翰

稍長。賜諱字。稱今名。家譜、藩。天正三年。長篠之戰。

與酒井忠次。拔鷲巢砦。又攻諏訪原城。陷之。更稱牧

野城。使康成守焉。藩翰。四年。守興國寺城。以拒備甲

人。家譜。七年九月。與松平家忠。攻望宗城。八年五月。東

照宮命令刈田中麥。望宗敵出防禦之。及師旋。敵兵

追躡急。康成等反擊卻之。十年春。守興國寺城。又與

久野宗能。守枉戶寨。藩翰。是冬。守長窪。家譜、一。十一

年。東照宮與北條氏政構兵。康成為之先鋒。家譜。十月。

賜長窪城。一本家譜、十六年四月。叙從五位下。稱右馬允。國史實錄、一本八年。賜大胡野城。食邑二萬石。  
一。本家譜、藩翰譜、逸史、藩庚子秋。康成及子忠成從台德公于山道。八月七日。上田兵出遮路。師殆敗。忠成時歲十八。率兵先登。擊敵進薄城際。將乘壁。軍使馳至。制止數回。曳兵而還。九日。移營於小諸。本多正信議曰。逼上田壁者。悉顯戮以徇師矣。康成及大久保忠鄰部兵當其科。忠成聞之曰。若殺有功者。則恐他日皆撓屈矣。為其主投死者。士之常也。人各為其主者。不可不救。即與其人逐電。康成坐被罪。蟄居上野吾妻。九年。

及大猷公出誕。康成父子遇赦。復舊領。藩翰譜、慶長十四年十二月卒。歲五十五。家譜、備考、系圖、藩翰譜、法名翁譽榮感。號月照院。家譜、備考、系圖、子忠成。次秀成。稱主水。次成儀。殊賜食邑。初仕常憲公于館林。叙從五位下。稱越中守。子成貞。初繼父。叙從五位下。稱備後守。列館林老臣。秩祿三千石。迄常憲公承大統。成貞從入。遂列侯籍。累賜食邑。領七萬三千石。為老中。進從四位下。任侍從。續藩翰譜、備考、系圖、權傾列相。常憲公數過其邸。賜物及家人。成貞室氏。少侍桂昌君。以君之命。適成貞。及成貞封關宿城。為婦人無子。有一女子。乃乞故館林老



黑田用綱之子以爲嗣。名曰成時。以女妻之。而後成時及其婦氏皆尋死。成貞有故。不復乞養人之子。公及桂昌君更言之。對曰。臣前乞養人子。無祿。不得其死。臣女亦不幸病死。是天絕臣之後也。雖有君命。臣豈可逆天重求爲後者哉。敢辭。桂昌君見成貞婦人。亦數言之。對如成貞之言。君遂以成春予成貞。公從而命之。成貞不獲辭。遂受以爲嗣。是後常憲公甚寵柳澤保明。成貞知其將迫己。稱疾告老。自號大夢居士。既老而後。在城東別業。公亦時過焉。待其病間。遣使召之。燕見優禮待之。後以爲恒云。外記。正德二年六月

月卒。歲七十九。法名長威虎雪。號東光院。諡成春實大戶吉房男。爲嗣。叙爵稱備前守。叙從四位下。加賜食邑。領八萬石。子孫移封。今治笠間城。世列侯籍。忠成。初守新二郎。台德公賜諱字。叙從五位下。稱駿河守。從大坂冬夏軍。獲首二十七級。濬翰譜大坂陣首帳。元和二年。賜長嶺地。築城。併食邑五萬石。一本家譜。踰年移長岡。後。城。再累賜七萬四千石。改稱右馬允。叙從五位下。後復稱駿河守。而卒。嗣子光成蚤卒。孫忠成繼。子孫列侯籍。次康成。叙爵稱內膳正。分新墾田一萬石。列侯籍。傳至孫康重。加五千石。賜小諸信。城。子

卷之五十九  
五

孫相繼。

信成。成定同族也。祖父定成。字八大夫。後稱山城守。初屬今川氏真。而歸順東照宮。永祿九年。賜參州平井鄉。父康成稱讚岐守。天正十八年。賜武州石戶田五千石。一本牧野系圖。信成初字九右衛門。繼父而後。從關原之戰。藩翰譜。叙從五位下。稱豐前守。又改稱內匠頭。正保元年。賜關宿下總城。采邑一萬七千石。一本系圖。子親成。叙從五位下。稱佐渡守。繼父而後。承應三年八月。為京師所司代。加賜食邑。合領三萬二千石。明曆元年二月。叙從四位下。任侍從。家譜、藩翰譜、舊章錄。寬文三年五

月。任右近衛權少將。固辭。舊章錄。在職十五年。寬文八年五月。免職。賜田邊丹後城。食邑三萬五千石。而致仕。延寶五年九月。卒。歲七十一。藩翰譜、備考系圖。親成在職之日。茶壺自東府到。鎖而無鑰。試振轉。其篋有聲。或謂鑰謬有篋中矣。將命鍛工。令闢焉。親成曰。否。夫錠以鑰應排之。欲獲其鑰。非鑰而排之。是私也。設令雖知在篋中。不可不訟。乃告焉。槐記。弟富成繼。子孫相傳。世侯。

牧野成命。參河人也。

○今按。其家譜云。本田口氏。武內大臣後裔。居大

和國高市郡田口邑。阿波民部重能男。田口左衛門教能。平氏滅亡之後。子孫分離。成命乃其後也。然則本與成定同族。非敢別種。○武德編年集成所載。似有疑。故姑附。以備後考。

曾祖春興。居牛窪城。祖父成時。稱左衛門佐。入道號古白。城今橋。居焉。永正三年。伊勢長氏代今川氏親。率衆侵略參州。成時赴屬之。八月二十日。長氏與棹舟君長親。大戰于矢矧川。會日暮。期明日而收兵。長氏宵入今橋。置東參制法而還。九月。長親率騎兵。來圍今橋。迨十一月。城中力屈。士卒散走。古白率一族

士徒六七十人。出城奮鬪而死。牧野家譜。父成三。字由藏。

更稱傳左衛門。割據東參。家富族多。武德編年集成。成命字

傳藏。世有今橋。國人多服從。乃竊圖西參。善德君清

康聞之。享祿二年。家譜作明應二年五月二十八日。出師進焚下地。

御油。成命望燄烟曰。是必岡碕兵。彼自來送死。當邀

擊殲之。自將兵。濟吉田川。棄船毀筏。徑進決戰。兵鋒

甚銳。師少卻。本多正忠。松平信定。力戰殊死。戰大破

之。成命及弟傳次死之。師前薄今橋。城遂陷。家譜編年集成

子成繼在胎。七月。其母犇于尾張智多郡而產之。小

字傳藏。弘治三年。往石川筑後守室碕。在尾張智多郡城圍



棊。咎助言。鬪諍遂遭殺。時歲二十九。家譜、編年集成子成里。初字傳藏。歲甫十六。殺父讐石川隼人佐。而遁長島。隸瀧川一益。一益與朝倉義景戰于刀禰山。成里接槍獲敵。而後每從軍。斬獲頗多。天正十年春。從一益于武藏野之戰。交槍。而仕織田信雄。為使者往會津。會蒲生氏鄉攻妙城。成里進先隊。獲首級。又以為緣族之故。屬長谷川秀一。文祿元年。從朝鮮。攻晋州。忠州等諸城。及秀一卒于師。歸朝。仕關白秀次。無幾變起。更屬石田三成。逮關原敗。與從者十餘人。亂擊西軍。而附池田輝政。輝政以聞。令剃髮。寘諸播磨。慶長

八年。受命出而仕台德公。明年正月。復舊稱呼。賜食邑三千石。改稱伊豫守。家譜作伊賀守十九年夏卒。歲五十九。子孫仕幕府。

青山忠俊。參河人也。姓藤原氏。

○青山家譜云。蒲生庶流也。藩翰譜作近江人青山三郎定俊之後。○今按。一本青山家譜云。左大臣藤原家忠院花山之後。大納言師賢曾孫從三位左近衛中將師重。實師賢子。元中元年。新田氏族迎尹良親王於吉野。師重從親王。移住上野國寺尾。後遷居吾妻郡青山鄉。因以為族稱。師重曾孫

光教。永享十二年。初仕崇嶽君信光。賜參州額田郡岩津田八百町。而住百百邑。其玄孫忠門云云。世系最詳。然與寬永家譜有所差異。故姑附。以俟後考。

祖父曰忠門。字喜太夫。藩翰譜載、忠門仕東照宮。天

正三年五月。戰死于參州月輪邑。一本青又曰忠成

初字藤七郎。天正八年。附台德公。一本家譜、十三年。擢爲

公之傅臣。藩翰譜、國史實錄、十五年。領久能與力二十三人。

藩翰譜、十八年。賜武藏田三千石。一本家譜、文祿三年。

叙從五位下。稱常陸介。一本家譜、○武家補任作慶長

五年。後改稱播磨守。加賜食邑。併領一萬五千石。爲東府町奉行。兼關東奉行職。慶長十一年。與內藤清成俱違旨。藩翰譜、十八年二月卒。歲六十二。一本家譜、長子乃忠俊。次幸成。忠俊小字伊勢千代。又藤藏。又藤九郎。天正十四年。仕台德公。十八年。從小田原。藩翰譜、中興武家文祿元年。元服。慶長五年十一月。叙從五位下。稱伯耆守。一本家譜、○按藩翰譜、八年。賜常陸田五千石。十二年。仕大猷公。十五年。爲書院番頭。藩翰譜、一本家譜、尋加賜食邑五千石。一本家譜、十八年。繼父後。大坂冬夏從軍。夏之役。五月七日。與水野忠清爭先。

奮戰。士卒多死傷。潘翰譜、大坂記。元和元年九月。與酒井忠世。土井利勝。偕受命。爲大猷公傅。忠俊與其戚臣。同命。深榮之。乃盡心輔翼。知莫不言。或和色而教誨。或冒顏而諫諍。公歲猶幼稚。敬憚威嚴。言行肅整。潘翰譜、逸翰史。五年。加食邑。賜岩槻城。領四萬五千石。一本家譜、○潘翰譜作。九年十月。處罪。削采邑。遷大多喜城。食二萬石。尋納城邑。而蟄居下總綱戶。又移相州溝鄉。而幽居。一本家譜。寬永二年。退居于遠州小林。賜食一千石。九年。遇赦歸。居弟幸成采邑相州今泉。潘翰譜、武家譜、中興、盛衰記。二十年四月。死于今泉。歲六十六。潘翰譜、中興、盛衰記

武家補任、法名春室宗信。號泰雲院。家譜、藩翰譜、備考系圖。忠俊與嚴爲輔弼。或忠俊強諫。如弗聽。則投劍露膚。倚公膝上。而曰。請先戮臣。而後君如意。利勝以和順。中外熟調。或陪醺。傾蓋曰。如雅樂伯耆威嚴。臣所未及。一杯可以保性。計機徐曰。伯耆所言至理也。雅樂如聞之。可奈何。唯宜納伯耆所言。是故公能納諫。三人一心輔佐焉。中興、盛衰記。大猷公初弱少。而好遊踊。樂美麗。設令梳髮。照雙鏡。以繕飾粧形。忠俊偶見之。忽進投卻鏡於中庭。而曰。爲人君者。苟好無賴之裝。是亂之端

也。遺老物語、故諺、武家深祕錄、忠俊極諫。頗有機癖。放言且有過失。台德公使酒井忠勝附大猷公。忠俊不會。且不聞。忠勝父忠利以聞之。忠俊嘗謂忠勝者列下也。忠世曰。否。卿其異聞矣。非次下。是等列也。而後終不輯穆。澁家手錄、忠俊幽居而後。諸老或諫爭。及聞令德名譽。皆以爲忠俊誠心所致也。請欲解其幽。屬命徵之。不從而曰。今公言行不悖道。以臣之言爲是。則不及出仕。我若復仕。則似露君之過矣。遂不出而歿。遺老物語、故諺、記、深祕錄、子宗俊。按藩翰譜作忠、次、未、有、所、考、元和八年冬。叙從五位下。稱因幡守。與父俱違旨。屏居。寬永九年。遇赦。賜祿邑。

三千石。尋爲書院番頭大番頭。一家補任、中興盛衰記、宗俊遇赦而後。初登營。故舊親友。訪問相繼。會堀田正盛過其席。踞而問誰。衆皆拱手對曰。爲青山。因幡正盛曰。是伯州子矣乎。宗俊亦問左右。斯人爲誰。曰。加賀殿。宗俊曰。勘左子矣乎。衆稱其豪腸。藩翰譜、  
○仰景錄載。宗俊字長十郎。未執前髮。而寄寓酒井忠勝堀田正盛者。忠勝女婿也。一日正盛適忠勝第。忠勝掛宗俊。令見正盛曰。此青山伯州子也。正盛杖刀踞而曰。然矣乎。宗俊意恚其驕。起片膝。白眼而曰。足下者勘左之子矣歟云。

野史 卷一百三十九 十一

慶安元年閏正月。召賜小諸濃信城。食邑三萬石。是日大猷公召宗俊於床下。汝先考能竭輔翼之道。孤年弱慮淺。方今悔慚其冤。中心孔疼。故爲吊其魂。今封汝于小諸城。汝亦攬父心。以可仕元子。言未畢。垂涕濕衣。宗俊感泣。左右皆澣淚。藩翰譜、仰景錄、手寬文二年。爲大坂城代。加賜二萬石。一本家譜、藩翰譜、中興盛衰記先是城代之爲職。如松平康長。水野忠職。內藤政長。皆交代。迄于此復舊。受命之日。阿部忠秋控宗俊袂曰。卿之爲胤種也。我輩嘗雖識之。未能發言。惟酒井空印以聞。酷協大旨。可謂幸慶也。宗俊徑赴空印牛籠山

莊以謝。空印曰。非我敢選舉之。設令雖推舉。若莫合大旨。則如之何。大命不遺。故舊實是家之幸矣。手錄九年。十二月。叙從四位下。賜物有差。藩翰譜、中興盛衰記延寶六年。以老辭職。尋賜濱松江遠城。食邑如故。一本家譜、藩翰譜、中興盛衰記明年二月。卒。歲七十四。一本家譜、藩翰譜、武義邊司忠。號蟠龍院。諡盛衰考。中興盛衰記。子忠雄繼。子孫移封篠山波。城加賜一萬石。今著于世。幸成。小字石之助。初仕台德公。慶長七年。賜下總田。十年四月。叙從五位下。稱雅樂助。後更稱大藏少輔。一本家譜、武家補任、藩翰譜累賜采邑。及大坂兵起。會違旨蟄居。

野  
家譜  
武家  
補任

潛屬阿部正次赴戰。擊敵獲首級。繫諸鞍前輪。到中軍。台德公赦其罪。令復仕。

○藩翰譜作幸成自獲首一級。從者獲四級。今按御選大坂日記。不載從者。自所獲一十一級云。後為老中。兼書院番頭。藩翰譜

○或作叙從四位下。任侍從。藩翰譜。武家補任並不載。故姑附以俟再考。

再加賜食邑。移尼碕。津攝城。領五萬石。一本家譜寬永二十年。藩翰譜備子幸利。叙從五位下。稱大膳亮。繼父。割祿邑于弟幸通。幸重。幸高。自領四萬八千石。一本

家譜、藩翰譜 備考系圖、 幸利命排設圍爐于宿衛處。或老臣問

其故。曰。凡為人。有表裏者。必臨事而怯。夫宿衛為備不虞也。不撓支體。而可舒氣息。若強侵凌寒威。則四肢凍凝。遺握刀。故構焉。徒非宿衛處而已。以書籍故。譚弓刀棊。使養諸士銳氣。然則眾以為於各舍徒然。寧宿衛而遣意矣。我無學無能。嘗聞水清則魚不宿。人察則友不交。我恒用斯語而已矣。手錄、窓、須佐美乃孫幸督繼。子孫遷封。賜郡上八幡。美濃城。累世列侯籍。



野史卷二百三十九終

野史卷二百四十

飯田忠彦  
修  
男  
文彦  
訓點  
竹中邦香  
校

武臣列傳第一百四十八

松平康長

戶田忠次

戶田一西

松平康長。本族戶田。參河國二連木人也。姓藤原氏。七世祖曰宗光。

○今按戶田家譜。宗光者權大納言公治子參議

實興之孫。三郎實光子也。公治以明應四年。歲五十五而薨。實興以文明十三年。歲二十五而薨。公卿補任不可誤謬。齋藤親基日記所載。寬正六年。宗光逐捕叛逆人。然則寬正六年。公治歲未迨二十五。不可有曾孫必矣。雖然其家譜所載。亦不可訛謬。疑書寫差錯矣歟。姑附以備佗日校考。

稱彈正左衛門。爲人有膂力。暴戾坐事。配流于尾張十田。十田或作戶田。初族稱十田。戶田家譜。寬正六年。參河守護細川讚岐守家人叛其主。侵掠郡邑。幕府命使崇嶽君信光及宗光逐捕焉。 藩翰譜、齋藤親基日記。 明應中。城大津。

在參頗有武譽。田原彥坂相尋降。宗光更築田原城居焉。又城于二連木。與崇嶽君信光爲參河兩目代。藩翰譜、娶信光女。產憲光。憲光稱彈正忠。居田原城。與今橋城主牧野成時爭境界久矣。永正三年冬。棹舟君長親攻今橋城。遂陷之。牧野家譜、逸史。

○藩翰譜云。今川氏親援憲光。永正三年八月。攻今橋六旬餘。牧野氏力屈戰死。城陷。氏親以城附憲光。憲光併領今橋。似有所疑。故以附于此。憲光以田原歸服。逸史。

○今考。先是憲光與岡碕相矛盾。逮是歸服矣乎。





未有所考。

享祿二年。先是憲光以田原畔岡碕。於是善德君清  
康率兵來伐。復降之。史逸子政光繼居二連木。次子親  
光居今橋。創業記、藩翰譜政光稱左近尉。子康光稱彈正少  
弼。是爲康長高祖父。大樹君廣忠初迎傳通太夫人。  
而大歸。復納康光女。以岡碕牙城將迎入東照宮于  
新城。事中破。然遂邀入新城。康光意不悅。藩翰譜、○  
似有所疑、猶當考天文十六年冬。織田信秀率兵薄岡碕。廣  
忠乞救于今川義元。義元求任子。廣忠使東照宮趣  
質。康光爲後母緣戚。以道路梗塞。取途于田原。康光

迎諸潮見坂假館。先是陰遣人于尾州。請取任子送  
之。併領東參州。信秀大悅。畀永樂錢五緡於使者而  
固約。明日康光入而曰。天氣清明。波浪不起。既具舟  
艦。請自海路矣。榊原平七郎曰。嘗聞君命云。自岡碕  
迄吉田。取海路。從吉田可陸也。康光曰。到駿府。大河  
猶多。加之頃日霖潦。陸路不輒。試航海。若有風波。則  
上陸。何難之有。我爲姻族。奚爲有害心矣。既發。先是  
信秀遣林通勝。岩室長門于田原。備弓銃。鳴鼓警衛  
舟艦。率以達熱田。藩翰譜、武德編時人誹謗曰。康光  
換外孫。以永樂錢五緡云。編年集成

○大久保參河物語。伊東法師參河記云。奪東照宮者作彈正少弼。創業記云。彈正一男孫四郎所爲也。紀伊侯考異一說云。彈正家忠日記增補云。戶田五郎參遠記云。彈正子五郎兵衛奪之。五郎兵衛者宗光男。後稱莊左衛門。太田山中德川記云。政光也。源君美按。戶田氏世稱彈正。彈正左衛門。上洛在寬正六年。親基日記所載。其子憲光。其子政光。而田原二連木。於是乎分矣。田原者彈正少弼康元。二連木者主殿介光成也。宗光上洛寬正六年。違天文十六年。己八十三年。設令宗光雖

十六七歲。而上洛殆一百年所。宗光子作奪之。不審野史氏今校合諸書。爲康光似無差謬。武德編年集成作憲光。及其子政光。或政直。逸史作憲光。皆謬矣。據其家譜考之。憲光政光俱居二連木。康光居田原。憲光以永正十年死。政光天文十七年死。然政光居二連木。康光爲政光後。居田原。弘治二年死。蓋爲康光必矣。參河物語。伊東法師記。日記考異。並不可誤矣。

十九年。先是康光逸史作乘岡碕虛隙。襲吉田取之。是歲。今川義元出兵伐吉田下之。藩翰譜。逸史。○或作天文十年。政光

取曾祖父曰宣光。稱丹波守。入道號全香。祖父重貞稱主殿助。繼父居二連木。因本多忠次。送款於東照宮。嘗送其母于吉田城。爲質。屢往吉田。與守將小原鎮實親交。有日。或圍雙陸。永祿七年五月。重貞先遣家人野野宮某。納酒殺及衣服于長櫃。齋之。到郭門。排蓋視之。且謂。今宵主公來設享醢。且贈新衣于老母。以更舊衣。而重貞亦赴燕飲。弄雙陸。家人誘母氏。納長櫃以歸。重貞興盡辭而出。縱火于郭中而還。家譜、國史實錄、編年集成、明日東照宮賞其志。加賜二千貫地。家譜、編年集成、六月。屬酒井忠次。爲嚮導。攻吉田城。伴盛景入城。

諭鎮實行成。鎮實應諾。致城而去。編年集成、

○今按戶田家譜。是歲十一月十二日。重貞攻吉田城。戰死云。吉田城六月已陷。酒井忠次賜之。載在六月二十二日。且重貞是冬十一月十二日。死于二連木。無子。令弟甚平爲之嗣云。似有差誤。故以附焉。

重貞是冬死。無子。弟忠重嗣。忠重重貞弟。是爲康長父。初字甚平。繼兄後。改稱彈正。家譜、一本家譜、康長小字虎千代。更稱孫六郎。永祿十年。繼父。夏六月。東照宮嘉父祖舊功。賜松平族。且養久松俊勝女。令配康長。舊章

錄一本松  
平家譜

○按大久保物語云。戶田因幡守奪返其母而歸順。賞賜松平族。又創業記考異並云。二連木戶田丹波守。後賜族。東照宮御年譜亦同。伊東法師記云。戶田因幡守。蓋疑丹波守。書訛作因幡矣乎。其家系圖亦不載。因幡守者。丹波守歸服。東照宮賜族。參遠記云。戶田主殿助賜族。死而無子。養弟彈正子。是爲丹波守。賜諱字。家忠日記增補云。主殿助始歸服。又云。永祿七年五月。奪返其母。而在二連木。與小原戰而死之。源君美考云。丹波守主殿

助父子。一同歸服。御年譜云。永祿七年二月。戶田丹波守出二連木歸順。而尙守二連木口寨。與駿人戰。五月。主殿助加賜食邑。是依吉田功也。家系云。康長初賜族。又家忠日記增補云。天正九年。戶田孫六郎康長。十六歲。養父主殿助戰死之後。歷一年。以永祿九年生也。疑康長未生之前。何爲有父子約乎。又參遠記云。主殿助歸降之年。本多忠次自伊奈過岡碕。謀攻吉田城。而請爲之先鋒。主殿助副之。○野史氏今按。主殿助歸順。以永祿七年。而其冬病死。弟彈正繼其祀。然此際無稱丹波

守者。主殿助父丹波守宣光。已以永祿三年死。康長者。慶長十年。稱丹波守也。又康長以永祿五年生。寬永九年歲七十一而卒。是乃藩翰譜備考系圖。一本家譜所載。似無疑。雖然年歷既尙矣。唯恐有誤謬矣。他日得其正以徵焉。

天正二年。賜諱字。一本家譜備考系圖。九年三月。攻高天神城。的郭不拔。康長見之。請東照宮而赴。遣兵縱火薄壁。遂陷之。家忠日記、藩翰譜。十八年。賜武州東方地一萬石。藩翰譜。庚子之亂。康長及水野勝成。西尾光教。津輕爲信等。進攻大垣城。康長傳令曰。銃豈特長兵。亦是攻具。

乃築雉堞以銃。毀之。克羅城。史逸。九月十八日。城中戮木村勝正等。以壓殺。康長。勝成。光教。及爲信。中村忠一兵。進圍牙城。福原直高。猶捍禦。光教射書諭之。直高自髡。致城而逃。實錄、落穗集、逸史。慶長七年。加封一萬石。往古河城。一本家譜、藩翰譜。自十四年七月。逮十六年七月。守伏見城。警衛弗懈。賜下總皆川地。創業記、藩翰譜。十七年。遷封笠間。陸常。城併食邑三萬石。藩翰譜。大坂冬軍起。爲先隊。迄夏軍起。與本多忠朝竝列。屢接戰。康長制止。忠朝素懷敢死之意。單騎衝敵。士卒混隊伍。馳驅交鬪。康長兵亦離次。冒令而馳突。康長雖制不從。躬自

把槍驅敵。摧堅破銳。交鋒數回。被傷三處。殆危。會家人近藤正次來救。時康長延槍刺敵一人。正次進截之。師馳援。敵終敗走。康長部下死者六人。獲首十三級。松平丹波守家傳。○元和二年。大坂日記。○藩移。藩翰譜作十四級。封松本濃、城。賜食邑七萬石。大坂日記。藩翰譜。或作五萬石。今據一本家譜。寬永三年。叙從四位下。武家補任。九年十二月卒。歲七十一。藩翰譜。○卒年從家傳。大坂夏陣。法名一通。宗智。號祥雲院。備考系圖。證號考。有三子。長永兼。字稱孫六郎。有病辭嫡。次忠光。稱加賀守。先卒。次康直。叙從五位下。稱佐渡守。繼家。更稱丹波守。無嗣。忠光子光重。

繼。叙爵稱丹波守。徙封明石磨城。再移加納美城。子孫復松本城。世族稱松平。列侯籍。或作稱戶田忠次。參河人。左近尉政光孫也。父光忠。或作稱莊左衛門。永祿二年三月。往西參州。戰歿于鷓原。戶田家譜。戶田長門守。先祖記。藩翰譜。忠次稱三郎右衛門。永祿六年。一向之亂。世臣宿將。屬賊黨者。凡八百餘人。忠次祖先振武于近郡。及頃年。族類零落。當是時。忠次潛匿佐碕。族徒與岡碕不快。多黨賊徒。忠次亦據野寺本證寺。先祖記。佐碕。與岡碕師戰。或日三交槍。東照宮遣人勸諭。忠次歸順。忠次繼志拜命。迨出其壘。謂敵曰。我賜

使命。今適岡碕。嘗莫有恨君。又非爲宗徒。唯應募入壘耳。全非下踏矢狹間者。嘗能諳地理。屠壘不可踰三日矣。若有挑留者。我欲試一办。衆曰。唯意但拔壁難矣。曰。我必屠殲焉。乃告別而去。焚外柵。而到岡碕。武德編年集成云。衆憎其大言。將擄之。東照宮乃召問計。忠次對曰。守備固嚴。戲下老兵多據彼寨。君師縱銃。多不鉛丸者。故巢穴死傷者少。宮愕曰。汝所思何若。曰。臣嘗識彼下水樋口宏濶。遣細作於此。縱火襲之。則悉殪焉。請使酒井忠次兵屬。臣彼一部皆以鉛彈。是以賊甚懼焉。乃命忠次遣之。宵

潛通樋。如棧梯履之登。遂入外郭。縱火。忠次先登殊死戰。乘二郭。簿牙巢。賊徒本多新太郎。聞知忠次音聲。樓上高呼曰。戶田殿不食言。勇武可愛。請送一丸。乃射忠次背。而眩。衆扶忠次。收兵而還。先祖記、編年集、成、藩、翰、譜、東照宮賞其功。賜國光作刀。而復與蜂屋貞次。接槍二回。藩、翰、

○今按藩翰譜引參遠記云。忠次攻戶呂。獲馬場小平太。考武德編年集成。獲小平太者。天野康景也。故今不取。

七年六月。攻吉田城。藩、翰、八年。賜參州大津田七百

貫。家譜、藩翰記、是冬。附屬與力二十騎及食邑。家譜、藩翰記、元龜二年七月。濱名人反。棄壁而通甲斐。忠次暨本多百助赴。撫綏邑人。願爲二人寄騎。忠次領十四騎。賜濱名田三百石。藩翰記、明年冬。味方原之役。忠次從東照宮。返戰數回。歸達濱松。與菅沼定利俱守羅城。家譜、藩翰記、長篠之戰。子清光健鬪。獲首級。諏訪原之戰。清光十七歲而戰死。先祖記、天正八年五月。東照宮還自駿州。遠目敵出。望宗城。追躡。忠次等擊卻之。九年。高天神城陷。忠次破的場郭。獲首七級。長湫之戰。守大野城。與小濱光隆。間宮駒允。千賀孫兵衛。向井忠

安等。徇伊勢地。與九鬼嘉隆戰于小濱地。忠次士先馳而擊走之。十八年春。征伐小田原。與植村莊右衛門爲前列。四月。師將踰箱根嶺。東照宮召忠次曰。汝在後隊。宜指揮諸部也。忠次曰。後隊諸部皆君之藩列也。有誰而聞臣所令者。請辭。宮曰。汝所言頗有理。宜執之以傳令也。賜所把麾於忠次。忠次三拜戴。而顧謂諸將曰。忠次鄙族。傳令於諸將。最所憚畏。今賜之以證。不得辭。若有異議。則其勿覆。乃揮麾以視。衆頓首。山東所在諸城。悉歸降。江戶城主遠山景政。在小田原。其弟河村兵部太夫留戍焉。景政姪丹波與



眞田隱岐守通志。送款於東照宮。忠次受命趣取之。  
藩翰譜 八月。賜伊豆下田五千石。先祖記、家譜、藩翰譜 而年老。請  
致仕。退居采邑。文祿初年。征韓軍起。二年。東照宮將  
有航海。忠次聞之。正月。馳赴那古耶。見宮。大閣秀吉  
聞忠次到。入東照宮陣營。召忠次及高木清秀。譚舊  
勳。且賞遠到之勞。先祖記、藩翰譜 慶長三年六月。卒。歲六十  
七。一本家譜、藩翰譜 法名雄山全功。家譜、備考、系譜 長子  
清光。或作忠清 字稱三郎九郎。天正三年。戰死于諏訪原。  
家譜、藩翰譜 次尊次。初字甚九郎。歲甫十七。從小牧軍。終  
賜參州和地田五百石。家譜、藩翰譜、先祖記 庚子亂。拔丸岡城

而守之。藩翰譜、實錄、先祖記 慶長六年。賜田原參河城。食邑一萬  
石。十二年。叙從五位下。稱土佐守。先祖記、藩翰譜 大坂  
兵起。守岡碓城。而往大坂。從後隊。及夏軍起。隸南龍  
公子賴宣。是年秋。卒于京師。歲五十一。家譜、藩翰譜、  
武家補任 長子忠能。次忠繼。忠能叙爵稱因幡守。繼父。正保四  
年卒。姪忠昌嗣。忠昌忠繼子。初字主膳。萬治元年。叙  
從五位下。稱伊賀守。寬文四年。加食邑。徙富岡肥後城。  
十一年正月。爲奏者番。兼寺社奉行。尋毀富岡城。而  
徙下館常陸城。一本家譜 延寶中。爲京師所司代。進從四位  
下。任侍從。更稱越前守。累加封邑。列老中。改稱山城

守。加賜食邑。併領七萬一千石。遷居岩槻城。以元  
祿十二年九月卒。歲六十八。一本家譜、藩翰譜、備忠  
考系圖、武家補任、昌廉潔清亮。澁家手錄、士  
林禁祕錄、有才智仁愛。舊章錄、以其女  
妻酒井忠真。忠真歲尙弱。忠昌及松平信興。預聞其  
家事。忠真家人某有子。放縱不羈。其甥頗有度量。某  
食祿一千石。豫欲以其甥爲嗣。會某病死。衆議或謂  
割其祿爲二。與其子及甥。以咨詢信興。信興讓忠昌。  
而不決。酒井氏老來問計。忠昌默然。聞其一卜而曰。  
是內私之事。論舊格宜決。非我所可計也。老臣以告  
忠真。信興曰。彼必有所思矣。乃率其老來咨詢。

忠昌曰。我未得聞其譯。故默然。得再聞之。老臣具狀  
以聞。忠昌曰。是爲慾被惑。故議違其誠。衆議蓋以其  
子不武。令其甥割祿殊出仕。是非道也。我若裁斷之。  
以其父食祿。悉予其子。則舊功顯著矣。其父豫所決。  
是不足論之。今更論之。則以父祿悉予其子。而衆如  
謂其甥有器度。則殊予小知。令仕則可矣乎。議乃決。  
手錄、禁  
祕錄、子忠真。初字甚十郎。更稱主膳。寬文五年。叙  
從五位下。稱日向守。改能登守。爲奏者番。兼寺社奉  
行。殊賜食邑一萬石。及居邸。繼父。後免兩職。列雁間。  
再轉移封邑宇都宮野下城。叙從四位下。爲老中。任侍

從。累賜一萬石。享保八年正月。殊命免連署。十四年十月。卒。歲七十九。譜一。本家譜。武家補任。藩翰。忠真在寺社奉行職。會有麾下小祿士邑民。與松平吉保邑民爭封疆。相訟獄。吉保民據非義。諸有司憚吉保威權。竊諭令和輯。不服。忠真當月番。聽其訟。當是時。父忠昌猶居老職。嘗有約。父子之間。私不議公事。爭疆訴論。勘定奉行不能裁斷。以達忠真。忠真意謂吉保民非據著明。若直裁之。則後難恐速父軀矣。然則不孝也。曲理裁之。則戾忠。思慮煩悶。會吉保送使者。謂曰。頃間邑民境訴。將有裁斷。請莫使取醜於我。忠真

對曰。輿論公事。以理而當裁斷已。乃見父曰。大人嘗禁內議。方今一公事。將煩大人于貶黜之罪。忠昌曰。莫盡言。夫事君守正重職。黜邪褒正。是居職之任。設令雖父子並謫。竄奚爲不孝矣。要人顧身。立邪黜正。是不孝之大者也。何懼之有。忠真質性硬直。於是決意。常憲公入吉保常磐橋亭。聽評定公事。如萩原近江守。佞諛便僻。以斯論疆。爲一詔事。召訟返者。令對決。忠真居正裁斷。麾下士邑民。十分得利。大罵非據。案律處其罪。尋請辭職。錄手。養子忠余嗣。子孫再移封。復宇都宮城。相傳列侯籍。忠昌弟忠利。初仕甲府。叙

爵稱長門守。爲老臣。從文昭公于西城。爲側近。改稱大炊頭。准從四位下。累加賜食邑。領一萬一千石。居下野。定利子孫世侯。

戶田一西。參河人。彈正左衛門宗光支族也。祖父氏輝。字稱孫右衛門。享祿二年。仕善德君清康。賜食邑。

○一本戶田家譜載。氏輝者宗光曾孫也。未見其家系圖。○藩翰譜云。一西本姓非戶田。配東照宮姪松平康長女。蓋康長以一西爲養子。授姓氏。未詳其由。故姑附之。猶當校考。

父氏光。字稱吉兵衛。永祿七年六月。氏光暨族重貞

作嚮導。攻吉田城。取之。武德編年集成

○藩翰譜引參遠記云。是歲。師攻田原。戶田吉兵衛乞降。而本多廣孝守之。○野史氏按。武德編年集成云。本多廣孝築寨於梶鄉。而攻田原城。守將朝比奈元智力竭乞和。致城而去。疑是時氏光已歸服麾下矣。恐有錯謬。猶當考。

一西初字新二郎。更稱左門。元龜二年五月。武田信玄遣其子勝賴。及山縣昌景。攻吉田城。酒井忠次出兵禦戰。一西進與甲人廣瀨景房。相呼名交槍。藩翰譜甲陽軍。天正三年八月。師攻遠州小山城。武田勝賴率

兵二萬後援。而師及拂營。城兵追躡。一西及忠次等反擊卻之。十八年。從小田原。受命監諸軍。藩翰譜是秋。賜武州鯨井田五千石。藩翰譜。庚子亂。從台德公于山道。真田昌幸據上田城遮路。本多正信等疑議不果。公後期抵大津。東照宮弗見。而後意稍解。相見問曰。孤嘗遣使豫約期。今已後。無益問焉。夫兵機如棊。贏輸之數。在全勢矣。一局既制勝。敵子錯峙。胡足介意。如今西上。事在濃尾。關原已取巨魁。雖有百真田。亦且自降服。舍大圖細。非孤所知也。女在上田日。無進此說者乎。對曰。唯有戶田左門論之甚審。實如

尊算。問其故。而自欲召一西。間隔不應。公呼曰。左門徵也。一西進座。東照宮左右手探乾菜賜之。且曰。秩庖者言亦不行歟。孤且使汝言易行。一西喜極。號泣而出。落穗集、逸史

○今按藩翰譜載。在七日正信議曰。不如棄城而西上。一西離次曰。當君軍初。不得屠殲斯小城于路上。他日恐得過穩之謗矣。太公亦嘗謂焉。正信怒曰。唯從我計。汝輩奚得知焉。乃西上期已後。軍算如一西議。東照宮弗懌。殺服一西議云。似有差錯。姑據落穗集及逸史。猶當考。

是時一西采邑五千石。命守大津城。落穗集、逸史叙從五位下。稱采女正。未詳、年月慶長六年二月。就賜近江田二萬五千石。併舊領。命撤大津舊墟。更城膳所。碕有司董役。府給其費。實錄、藩翰譜、落穗集、逸史慶長九年七月。卒。歲六十二。家譜、備考系圖法名法譽道心。號正眼院。備考系圖、子氏鐵叙從五位下。稱采女正。

○野史氏今考。一西以慶長五年。叙爵稱采女正。氏鐵亦以文祿四年。叙爵稱采女正。父子同時同稱。非無所疑。猶當校考。

襲封。改稱左門。大坂兵起。大備戰艦于矢橋。以俟大

旂之至。元和二年。移封尼碕城。叙從四位下。尋轉大垣美濃城。加賜食邑。併領十萬石。一家譜、藩翰譜及島原耶蘇賊起。與松平信綱。赴伐平之。寬明日記、藩翰譜致仕入道。號常閒。子氏信嗣。割新墾田一萬石。予弟氏經。兄弟子孫相傳。列侯籍。

野史卷二百四十終

野史卷二百四十一

武臣列傳第一百四十九

松平康親

岡部正綱

松平康親。本名忠次。參河幡豆郡相場人也。本族松井。姓源氏。六條判官爲義十四男。松井冠者維義之後。父名忠直。或作惟次。今據藩翰譜備考系圖。字金四郎。仕善德君清康。及大樹君廣忠。松井家譜。康親初字左近。自幼仕東

飯田忠彦  
修  
竹中邦香  
校

照宮。家譜弘治二年。松平義春攻日近城。城主奧平貞  
置拒戰。義春被創死。其子家忠尚幼。忠次以其爲姻  
族。兼領其邑。東條掌兵馬事。家譜、藩翰譜、武德編年集成永祿三  
年六月。忠次及松平信一。杉浦鎮榮等。與刈屋兵。戰  
于石瀨。縱銃創忠次眼。忠次忿進。斬其敵。家譜、編年集成四  
年二月。從東照宮。與刈屋兵。戰于石瀨。藩翰譜、編年集成九  
月。酒井正親。松平親俊。與本多廣孝。出遇吉良義昭  
部將富永景通于藤波。小笠原長是自糠塚。忠次  
自津平。赴援力戰。廣孝刺景通。追敵薄東條城壁。遂  
乘之。義昭乞成。家譜、藩翰譜、編年集成頒賞賜津平地。家譜、藩翰譜

五年三月。東照宮出師于名取山。命忠次及松平伊  
忠。久松俊勝。大久保忠勝。圍攻西郡上鄉城。忠次家  
士與甲賀謀者伴盛景等議。嘗率多羅尾光敏部下  
細作十八人。宵潛入城。縱火。守將鵜殿長照父子遁  
走。間諜覆城外。遂擄長照子氏長。氏次。城終陷。家譜、編年集成  
譜、藩翰譜、編年集成四月。東照宮賞忠次功。賜書爲東條定番。  
編年集成六年。一向徒作亂。先是吉良義昭雌伏。忠次受  
命。築寨於津平。以窺東條。義昭果黨賊徒。忠次率家  
忠部兵。攻東條。躬自接办。攻擊之。家譜、藩翰譜、編年集成是冬。  
加賜食邑。併賜松平族。藩翰譜、備考圖



○藩翰譜一說云。康親賜族。永祿六年。賜東條之時也。或作天正三年前。有松平左近將監貞康。其證明矣。蓋貞康。康親之故名矣乎。猶當考索云。○今按武德編年集成。賜東條五百貫文之文。有松平左近將監殿文字。未見康親稱左近將監之正據。似有疑。姑附以備考。

七年二月。賊徒悉平。東照宮親自攻東條城。忠次等爲先鋒。義昭勢屈乞降。放逐焉。賜東條城於忠次。家譜、藩翰譜、備考十二年正月。攻今川氏真于掛川城。而聞敵夜襲天王山營。忠次及大久保。大須賀等。率兵出

戰。迄黎明未決。忠次士岡田元次等。超叅健鬪。遂擊卻之。藩翰譜、元龜元年。姊川之戰。忠次馳騎擊敵。會敵彎弓射貫忠次左腕于鞍前輪。不拔。令從者拔之。反射其箭。斃其敵。家譜、藩翰譜、織田家譜、逸史、二年。朝倉義景據叡山。淺井長政應之。織田信長遽馳到大津。飛檄乞援于東照宮。乃遣石川家成。及忠次。率兵三千。赴到勢多。信長悅。自伐越軍。使二人當江人。乃分兵與江人接戰。江人察援軍不多。四圍挑戰。忠次奮擊力鬪。二十餘回。逮越人引去。亦凱旋。而後從味方原及天龍川。與甲人交戰。家譜、天正三年。長篠之役。與本多廣

孝先登。攻爲巢寨拔之。獲首數百級。藩翰譜、家譜、八  
月。東照宮親自攻訪諏原城。守將室賀滿正。小泉忠  
季。按諸書不名。今據甲斐國志。以救兵不到。故棄壁潛走。小山城  
潰。九月。東照宮曰。斯城也。當高天神之衝。與田中。望  
宗。犬牙。僅隔大井川而已。甲人必窺隙矣。有誰爲孤  
守之。得捍勝賴乎。衆難之。未應。忠次離次曰。臣雖不  
肖。請守焉。宮欣然。賜諱字。更稱今名。令稱周防守。且  
命改諏訪原爲牧野。曰。周德可以殪獨夫也。加賜樽  
木。河尻七百貫文地。牧野康成爲副守焉。家譜、實錄、  
章錄、君臣言行、常山紀談、而東照宮議攻小山。酒井忠次諫曰。

曝兵於野外日奄矣。願收兵休卒。康親曰。攻小山者  
上策也。先長篠之敗。甲爪牙皆殪。勝賴雖猛。何以出  
援。宮可之。進攻小山。康親先衆奮勵。斬敵數人。會勝  
賴率兵抵大井川。僉言。前有堅壁。後有勁敵。不如引  
去。於是解圍收兵而還。家譜、藩翰譜、而康親練士馬。庀糧  
仗。與甲人戰爭七年。或勝賴自來攻亦亟。而未嘗挫  
衄。與田中兵交戰。薙麥蹂田。殆無虛日。家譜、逸史、四年三  
月。以山以東地半。賜松平家忠暨康親。以其半畀。今  
川氏真。使康親執其事。藩翰譜、七年九月。東照宮出師  
于掛川。勝賴寇駿河。班師。康親爲殿。八年五月。康親。

及家忠。康成從圍攻望宗城。康親士岡田元次獲三浦兵部首。予之於麾下。士一色某曰。頃聞卿違旨蒙譴。宜以此首贖其罪也。某大喜。獻兵部首於床下。東照宮已識察元次讓其功。斷鐵片袖以賜元次。向井勝政焚城屠殲焉。家譜、實錄、三川物語、藩翰譜。十年秋。東照宮命築三枚橋城。使康親守之。小笠原信光或作元及安次副之。九月。相人來寇。拒戰于三島。安次鬪死。信光敗。薙山城主北條氏規將襲三枚橋。康親邀戰于黃瀬川。大破之。氏規又攻戶倉。復擊卻之。氏規復進。本多重次出江尻迎擊破之。家譜、藩翰譜、逸史。十一年二月。賜駿

州河東地二萬五百貫文。執一郡事務。藩翰譜。是夏六月。卒。歲六十三。家譜、藩翰譜、備考系圖。法名巖譽豐月宗輝。號空閒院。備考系圖、證號考。子廉重嗣。次忠喬。字金七郎。蚤死。康重初字二郎。更稱左近丞。歲甫十六。繼父。後守三枚橋。家譜、藩翰譜。先賜諱字。稱今名。備考系圖。天正十三年夏。東照宮遣兵伐上田。不克。士卒罷困。宮更令康重及井伊直政等趣援班兵。真田昌幸不能追薄之。十八年三月。權中納言秀次急攻山中城。北條氏勝棄城而走。康重自佐野到宮城野。與相人戰。獲首八十餘級。湯本竹浦所在相人皆潰走。六月。康重與直政謀。

夜襲小田原篠郭。乘壁擊敵。遂入樹旗。家譜、藩翰譜、藩先是東條松平家忠死。迄是秋。康重殊賜武州奇西。逸史、上野、按藩翰譜、作武州私市城、田食邑二萬石。家譜、藩翰譜、逸史、文祿四年三月。叙從五位下。稱周防守。備考、系圖、庚子軍散。而守大垣城。慶長六年春。轉賜笠間。常陸、城食三萬石。家譜、藩翰譜、七年五月。佐竹義宣之徙封也。其驍將軍忠次得譴責。亡命。康重及松平近正。由良國繁。藤田重信等。受命如水戶收地。交替警衛。七月。康重歸城。忠次陰聚羣不逞。率子所左衛門。及馬場和泉。其子新介。大窪兵藏等。襲水戶城。康重聞變。馳到。副近正子一生。物

色捉一夫。鞠而得反狀。乃兵藏卒也。康重乃徹十日。夜賊果至。迫羅城。悉擊破之。明日終禽忠次等五人。梟首。餘黨悉平。家譜、藩翰譜、落穂集、逸史、十三年六月。先是以丹波入上城。當山陰衝。而地形不便。撤之。改城篠山。賦役山陽南海諸侯。及修築成。賜之康重。加采邑。爲五萬石。家譜、藩翰譜、逸史、大坂冬軍。康重陳于別府。隅川向堤。城兵構廬。備弓銃。置戍。康重遣都築助太夫。燒其廬。斬守者。城兵涉別府川。尋濟。佐良志川。西諸侯繼之。康重先進。薄天滿橋。家譜、慶通鑑、夏軍起。初陣于守口。東照宮召康重。命山陰鎮護。守龜山城。會會根賊蜂起。

康重遣兵擊破之。獲首三十餘級。梟之龜山郭外。家譜、藩通鑑、譜、元和五年。移封岸和田和泉城。寬永三年。叙從四位下。十一年七月。依爲膏腴之地。望請加一萬石。併領六萬石。十七年六月。卒。歲七十三。家譜、藩通鑑、譜、有數男子。長康次。稱左近大夫。先父卒。次康映。次康命。主馬助。次康常。隼人助。次康敬。木工助。皆頒食邑。子孫各仕幕府。次忠海。爲僧。康映叙爵稱周防守。徙封。再居濱田石見城。子孫三轉。復濱田城。追康任。天保中。坐事罷職。閑居。其子康爵。移棚倉陸奥城。繼家。稱周防守。先是叙從五位下。今現侯。

岡部正綱。駿河人也。姓藤原氏。遠江守爲憲六世權守清綱。初族稱岡邊。更稱岡部。子孫住駿河。屬今川氏。父某。稱美濃守。正綱稱二郎右衛門。繼仕今川氏。岡部家譜、藩通鑑、譜、歲甫十六。從軍獲首二級。當是時。父某違義元旨。閒居。因正綱功。赦其罪云。家譜、永祿十一年。武田信玄襲駿府。氏真不能捍。而遁掛川。明年五月。氏真憑北條氏。去掛川而徙戶倉城。而議復入。使小倉資久。森川日向守。受東照宮命。修補城隍。正綱暨弟長秋。代掌修築焉。十二月。信玄再寇。攻府城。正綱及今川遺臣。胥會者五十六人。守禦不屈數日。信玄謂

正綱偏爲雪會稽。以寡單拒我敵。而不撓。其志可嘉。一將難得。萬卒易得。遣僧鐵山。屢卑詞招納正綱兄弟。於是正綱往屬。信玄大悅。授十倍地於正綱。初食邑三百貫。迨是三千貫。且附騎士五十。爲之隊長。令守清水城。家譜、藩翰譜、甲陽軍鑑天正十年夏。右府信長遇弒。甲州復亂。東照宮嘗識正綱爲人。賜書密視意。以爲鄉導。初信長封河尻鎮吉于甲斐。國人聞變相反。遂掩殺鎮吉。會正綱受命巡撫。國人多來服。而迎入東照宮。北條氏政亦起兵。掠畧甲信。東照宮在府城。遣酒井忠次。大久保忠世。大須賀康高。本多康重。石川

家成。穴山黨。及正綱等兵七千。陣于乙骨。遮留相人。北條氏直帥師四萬三千。次于梶原。中間相違一里。山嶺聳左右。未識彼是。稍有告急者。部將或議曳兵而避之。忠次。忠世爭殿不息。相先驅充溢原磧。正綱於是代而殿。五六里之間。與敵雜遝。數十合。遂不撓。完諸部而還。人服其驍勇。家譜賜食邑于甲駿田七千六十貫文。家譜、藩翰譜十二年。家譜、藩翰譜二月。卒。歲四十二。藩翰譜、備考法名好雪道龐。家譜、備考弟長秋。長教。長秋字稱治部右衛門。元龜元年。戰死于花澤。備考

○今按。甲斐國志作天正二年。攻擊高天神。先登而死焉云。

長教三國志作真行。武德編年。字稱五郎兵衛。後稱集成。作真幸。今據逸史。丹波守。備考系圖。永祿三年五月。今川義元死。于桶狹間。愛智。春日井。智多三郡。所據駿人皆潰。獨長教保鳴海城。織田信長遣兵圍之。固守不下。接戰甚力。駿遺老贈書諭解。不肯。信長愛其忠勇。乃行成。使致城。長教對曰。請獲寡君尸。不爾有死已。信長許諾。厚送之。長教奉喪去。入參河。謂從卒曰。故君投死。守壁無益。空還國似失謀。方今誇功。有收干戈。不如乘虛

屠一城。以為歸國眉目矣。發細作。狙刈屋。是時守將水野信元在小川。其弟信近微行熊邑。宿其妾宅。夜潛遣甲賀人服部黨。廻濱邊。涉熊邑。漸乘城縱火。城中僅四五十人。禦戰。信近聞變。遽入死之。會後援至。長教收兵而歸。氏真厚賞焉。德川記。編年。集成。逸史。天正九年。守高天神城。備考系圖。甲陽軍鑑。正綱子長盛。長盛初字彌二郎。

○或一說云。長盛初字半彌。東照宮賜姓源氏及諱字。改名康綱。未有所校定。

甫歲十六。繼是夏。長湫戰。先驅擊羽柴秀次軍。自獲

胃首二級。六月。前田種利邀入瀧川。一益于蟹江城。而畔。織田信雄及東照宮赴攻之。時長盛在津島。聞警。馳遮前田川。九鬼嘉隆欲援一益。整兵艦來。長盛迎擊。擄一益姪某。藩翰譜、作嘉隆姪長兵衛進薄蟹江城。家譜、藩十三年夏。與大久保忠世。鳥居元忠等。入信州。攻上田城。八月。四圍既乘。其三郭。真田昌幸奮鬪捍戰。鋒銳甚勵。兵敗退。忠世及長盛聚散卒。隔水而陣。昌幸亦收兵。而後昌幸屢出兵挑戰。二十日。昌幸父子出戰。長盛與之戰于丸子川。數刻。追尾獲敵數十人。家譜、藩翰譜、十六年四月。叙從五位下。稱內膳正。家譜、藩志、

考系十八年。加賜二總地一萬二千石。居下總山碕。

庚子秋。屯黑羽。以備會津。慶長十二年。守伏見城。藩翰譜、

十四年。加采邑二萬石。遷封龜山波城。大坂軍起。

鎮戌龜山。元和七年。移同國福智山城。加賜食邑。寬

永元年。遷大垣城。美濃食邑五萬一千二百石。九年十

一月。卒。歲六十五。家譜、藩翰譜、備考子宣勝。叙爵稱

美濃守。繼父。三徙封。治岸和田泉城。子孫相傳。列侯籍。





沼系 族類繁衍。其宗居段嶺。定盈父祖世居野田。

○今按定盈家譜。及藩翰譜云。定盈曾祖父信濃守某。自濃州移參州。未見其家所傳。故姑附焉。

弘治中。參州設樂郡山中。半屬織田氏。定盈父定村稱織部。倚賴磐瀨林左京。再歸服今川氏。一族十郎兵衛定勝。後稱信濃。居大野。八右衛門定仙。後改。常陸。據大野寨。與左京併兵。將攻宗族大膳定繼暨定利。與平貞勝。菅沼彌總右衛門等。發兵。不利而歸。弘治二年五月。乞援于駿。遂擊宗家。定繼滅之。其弟定利走岡碓。而列臣籍。家人山川清兵衛等三人。族孫太等。皆與定

繼自殺。定村弟定利。不從。兄而黨定繼遁去。駿人追尾到鳳來寺麓椿坂。而戰死。歲二十九。定勝及子定清奪段嶺。定繼子小法師定吉。後年復段嶺。更字稱刑部。併領武節。新城等。元龜季年。其子定忠叛通甲。天正初年。為東照宮所亾。武德編。年集。成。八月。與平貞勝為織田氏。築兩山寨。使其族貞良守之。今川義元聞之。命東參國人六人伐之。定村采邑與兩山唇齒。請為先鋒。赴攻。貞勝及子貞能馳入兩山援之。四日昧爽。定村謂兩山之為地也。據山壑為城。僅通豁路一條。左右懸崖峩峩。雖天嶮。守兵寡單。何艱之有。先登

勵戰。會貞良弟五郎右衛門廻谿間。下射中定村左  
咽。忽墮騎。時歲三十六。從兵奮怒。進破柵。定村弟半  
五郎亦進。薄城門。戰死。衆猶力擊。終拔寨。貞勝父子  
復降義元。編年集成貞盈字新八郎。繼父。居野田壘。永祿  
四年三月。定盈及族左衛門貞景。其子正貞。定吉。其  
子定忠。伊賀入道源長。及西鄉正勝。與平貞能。白井  
麥右衛門等。皆叛駿而歸順東照宮。家譜編年集成於  
是在參國人。往往來歸者多。四月。今川氏真使小原  
鎮實爲將。併牛窪。二連木兵。攻野田城。西鄉正勝遣  
其子元正。率兵來救。保守二郭。敵乘夜。發伊賀細作。

狙牙城。守者認之。拒擊追卻之。而以寡兵難禦。會敵  
乞和平。定盈致城而去。適西鄉鎮實置戍。而轉將攻  
新城。遣斥候于傳壽山而攻之。定勝及入道源長等。  
禦戰卻之。家譜編年集成九月。定盈築砦于加茂郡  
西鄉高城。西鄉正勝在藥師堂故蹤堂山。俱捍駿人。  
十一日夜。牧野清成及成定爲魁來攻。正勝子元正  
禦戰死之。定盈等健鬪。擊卻之。多獲其馬。編年集成五年  
六月。定盈日夜欲復野田故城。數廻計策。當是時。今  
川氏一族堀越氏延。叛氏真。據見附壘。小原鎮實率  
參人遠人屬駿者攻之。氏延力屈。入海藏寺。遂自殺。

定盈乘其虛募野田土人宵急襲野田城多獲敵戍而遂復焉。家譜、藩翰譜、編年成集、逸史、六年十月東照宮使定盈族定顯築壘於佐碕餽儲未備定顯巡邑徵發歲歉無所獲焉見鄉中上宮寺有募化齋糧委積令人謂寺僧曰新築乏糧民不能給姑貸此以副急尋當償還焉先是酒井忠尚竊謀不軌嘗屬命借糧於上宮寺及本證寺勝滿寺未償之僧徒意恚之故聞命弗果定顯忿卽命役夫盡數搬輸於是寺僧發怒胥議謂我斯三刹自始祖而來爲守護不入之地然管沼所爲暴戾不可不誠乃嘯集門徒一千餘人遂鼓譟

薄定顯邸劫掠罄室而去定顯愬之東照宮廼使酒井正親糾問之正親遣人鞠問上宮寺兇僧等殺正親使者於是東照宮使正親治其黨斬首惡以徇當是時一向之徒輒蟻聚蜂合沿習成風犯上掠亂僧俗群集遂致國亂所謂永祿一向亂是也。編年集、七年五月從東照宮于一宮後援歷賀茂遍照山與駿人戰于勝山遂走之。編年成、八年參州悉平而東照宮問遠州於定盈對曰以謀可取也菅沼二郎右衛門者臣族近藤石見守鈴木三郎太夫舊識也以斯三人爲嚮導自井伊谷入則遠州可畧若功成則請賞

三人許可。十年冬。賜誓書於三人。定盈亦贈書載盟。令三人爲先導。拔井伊谷口寨。進抵木坂。攻刑部城。下之。長驅到濱松城。取之。馳人報捷東照宮。遣酒井忠次赴守焉。賞定盈功。賜河合鄉。及高郡等地。家譜、藩譜、○御年譜、藩翰譜、並係永祿十一年、元龜三年十月。武田信玄寇遠州。拔二股城。東參國人或畔應之。定盈及二郎右衛門。固守不變。是冬。味方原之戰。信玄得贏。次刑部。天正元年正月十一日。逸史、○藩翰譜、作二十一日、信玄率師三萬三千。圍野田城。定盈及援將松平忠正兵僅四百。勵力堅拒。甲人用竹盾。蟻附而登。遂奪外郭。定盈退保。

牙城。告急乞救。東照宮應曰。七日可保。孤必赴援焉。甲人環以鹿砦薄。至三月。東照宮親率師。次笠取山。乞師於織田信長。信長嘗聞味方原之敗。逡巡弗果。甲軍益堅。不可犯。退頓吉田。定盈捍禦不撓。甲人募礦夫。穿壁毀樓櫓。或鑿地道。以洩井泉。城中水乾。士卒皆渴。伊勢人芳休者在城中。善尺八。連宵樓上按曲。甲人喜聽之。一日甲人或注紙竹竿。用標於阜丘。鳥居三左衛門者善銃。從壁上望之曰。是必將帥來聽也。雖暮夜昏黑。亦可以釣奇。迨夜使芳休極巧弄管。信玄果至竿下。則銃丸迸汰。頗耳。信玄墜馬而去。

芳休謂。往日聞曲盡而人去聲。今宵發銃而無聲。曲未終。竊聞喃喃聲。其必不違矣。然而定盈力遂屈。使謂甲人曰。城中水竭。士卒乾涸。即全城兵。我及忠正。逸史。○按家譜。不載忠正。藩翰自殺以致城。信玄陽譜。忠正作菅沼二郎右衛門。曰。得城不用死。乃率衆而出。設伏禽二人。令山縣昌景擁衛之。退次長篠。召二人。以郡內地諭降。不屈。初與平貞勝。菅沼定吉。滿直等山家三人。送孛納款。既而降甲。於是貞勝等請歸定盈等。以換其孛。信玄許可。使人來請。東照宮亦許之。嘉二人節義。賞賚甚厚。家譜。藩翰。二年四月。定盈築野田新城。五月。武田勝譜。逸史。

賴率師二萬來寇。令山家三方士爲嚮導。追新城。會土功未鳩。二十九日黎明。家士告曰。敵歷和田嶺。本宮坂兩道而來。請避焉。定盈曰。不發一箭而去。武之耻也。衆曰。先永祿中。駿之來攻也。西鄉元正來援。今兵寡單。守備粗漏。土功未成。不若避銳而俟他日矣。乃遣人斥候。歸報曰。甲將山縣昌景既到。定盈入圍。諷謠不出。健步長山口五郎作入勸諫。乃出盟嗽。起居如常。衆謂敵已逼矣。於是出南郭。謂左右曰。我不焚寢室。爲敵取哂。有誰能火之。且取鷹而來矣乎。中山與六應聲馳歸。縱火屋舍。居鷹而來。定盈經宇理。

而從西鄉入海倉淵。與六時歲十六。殿與追敵接戰。爲段嶺兵所殺云。常山紀談、逸史三年夏。長篠之戰。與酒井忠次。夜襲鳶巢寨。率兵先登。三枝守友禦之。定盈命縱銃。獲守友。遂拔其砦。家譜、太閤譜、藩翰譜十年。從入甲府。家譜、藩翰十二年夏。小牧之戰。從樂田行營。東照宮與織田信雄議曰。不督一宮。則不可得二重堀之寨。有誰而能守乎。定盈進曰。臣請守焉。若不果。則死耳。乃往。羽柴氏亦不來侵。終其功云。老人雜話十八年。從小田原軍散。賜上野阿毛地一萬石。藩翰譜文祿中。叙從五位下。稱織部正。武家補任庚子亂。守東府西城。藩翰譜六年。賜

長島勢。城。食邑二萬石。藩翰譜、武家盛衰記九年七月。卒。歲六十三。家譜、藩翰譜、中興盛衰記、逸史法名長翁宗堅。號勝德院。藩翰譜、系圖考子定仍。定芳。定仍叙從五位下。稱志摩守。庚子變。從海道。而守興國寺城。慶長九年。繼父。明年冬。歲三十而卒。家譜、中興盛衰記、藩翰譜弟定芳。初字左近。繼兄。叙從五位下。稱織部正。家譜、武家補任、藩翰譜十九年十一月。大坂兵起。陣于備前島。用竹盾薄城。台德公賜巨銃數挺。縱之。毀壞櫓壁數處。還伏見。賜黃金。家譜夏役起。屬本多忠政。自大和口進。戰于國府片山。家人營沼權左衛門。獲城兵井上時利。明日進抵天王寺。獲首都

九十級。家譜、德川記、藩翰、大坂陣首帳。元和七年。加賜一萬石。移膳所。近江、城。寬永十一年。復加一萬石。遷龜山。丹波、城。正保四年。卒。家譜、藩翰、譜、中興、盛衰記。定仍子定昭嗣。叙爵稱左近大夫。無幾卒。無子。

○江府下四谷勝興寺牌子作寬永二十年正月卒。舊章錄作慶安元年。按家譜。武家補任。並作寬永十七年冬。叙爵。然藩翰譜引正保元年日記云。正月十一日。松平忠晴賜龜山城。是定昭死之後矣乎。然定昭死在寬永二十年之頃矣乎。未詳。姑載以俟考。

殊命賜七千石於弟定治。三千石於定恒。二人子孫相傳。定治之後。世居參河新城。列交代寄合。俱仕幕府。家譜、藩翰、譜、舊章錄。

皆川廣照。下野人也。姓藤原氏。長沼宗政之後。高祖父秀宗。嘉吉中。徙居皆川。曾祖父宗成。因以為族稱。及北條氏之起也。為之附庸。皆川、譜、圖、藩翰、譜。父俊宗。稱山城守。入道號信鐵齋。系圖、藩翰、譜、備考、系圖、譜。廣照初字又三郎。繼父。稱山城守。屬北條氏。系圖、藩翰、譜。天正十八年春。關白秀吉征伐北條氏。廣照及成田長泰。壬生義雄。俱隸北條氏。輝。拒守竹浦口。迄山中。陷。東照宮前鋒入。



宮城野口。氏輝等退保小田原城。四月八日。廣照聞明日西師逼城。宵率部下百餘人。到笠掛山行營。乞降。秀吉聞之。悅曰。渠去歲通信於大坂。且今孤至于此。不日來歸。事始吉也。命令列隊下。御年譜、藩翰譜、松窓漫錄、是秋。北條氏亾。而賜故邑皆川三萬石。藩翰譜、庚子亂。從小山。東照宮謂廣照曰。卿疾歸采邑。募衆固壁以守。備。乃發歸。皆川屬淨光公子秀康。次于大田原。慶長記、藩翰譜、七年正月。叙從四位下。武家補任。○今按、花押、數八年二月。寂林公子忠輝。受封于河中島。廣照爲之傳。賜飯山城。食邑四萬石。藩翰譜、中興盛衰忠輝

暴戾悖義。廣照屢諫爭。弗聽。放逸益甚。十四年九月。廣照暨山田勝政。松平讚岐守。潛赴惣之東照宮。忠輝聞之。疾馳至駿府。陳謝。卻以不臣。誣三人。乃命誅勝政等二人。減廣照罪一等。收食邑。廢爲庶人。廣照剃髮。更號老圃。如京師。閑居智積院。子隆庸居入王軍。五月六日。老圃追到其營。乞赦而入。見曰。今斯軍旅。請君努力勿懈。忠輝曰。然也。我亦嘗思惟之。并伊藤堂已爲先鋒。犯之則背軍律。爲之奈何。曰。莫後兩先鋒。君一隊先衆近薄城。敵出則一戰。如不出則對

壁堅營。以竦第一戰。雖兩先鋒。不能奈之何。臣請當  
前隊矣。忠輝以議。玉虫對馬。林平之允。二人不欲。忠  
輝以辭。老圃歎息。其謀不納。悲而曰。臣雖駑。欲從事。  
預設戒衣也。乃排襟視黑絲威甲而去。誠子隆庸曰。  
我謀不成。汝馳往井伊氏陣。借以樹功勳。乃去而歸。  
居智積院。隆庸往從井伊直孝。戰于若江。有功。言行錄  
○大坂物語云。五月六日未刻。追抵請見。問玉虫  
對馬。朝日丹波曰。彼是諸備我未識。今時已向晡。  
何故不戰。二人荅曰。有先後在。曰。雖先鋒者。有誰  
而能得察機矣乎。敢問敵兵幾何。曰。凡可三萬矣。

曰。公子騎兵幾何。曰。可一萬六千也。老圃曰。彼三  
萬。我萬六千。宜發戰。公子如發師。則所屬和部。奚  
爲得使公子孤戰。而徒遠見矣哉。然則我師可六  
七萬。且吾望見敵旗幟。頗有罷倦之色。而不引去。  
今若失斯機。追晡後。則彼皆去矣。今而戰。則得捷  
于晡後。必矣。追躡到天王寺。殲敵。而直迫城門。則  
大功實可莫倫矣。請勿失期。促勵再三。忠輝弗聽。  
正木伊豫守亦離次。曰。老圃言是也。我從焉。遂弗  
納。老圃拂席而歸。陣營解帶就寢。及晡後。敵果而  
去。與本文少異。故以附焉。

殊命賜老休地于老圃。辭而後受焉。而後每登營。與林道春。大橋立慶。譚話古今。爲大猷公伽菽。歲毫而多遺失。預書欲言事條于紙。以縛佩刀下緒。出以辨之。後日諸有司每事繁雜。慣老圃所爲。以爲例云。言行錄寬永二年十二月卒。系圖子隆庸。慶長五年。叙從五位下。稱志摩守。與父獲罪。廢黜。大坂軍有功。元和九年。賜常州府中田一萬五千石。復侯籍。爲大番頭。更稱山城守。而卒。子成鄉。字又三郎。繼無幾死。無子。殊賜五千石於弟秀隆。子孫仕幕府。藩翰譜中興盛衰記加加爪政豐。姓藤原氏。出自上杉朝定二男朝顯。朝

顯仕幕府。族稱八條。子滿朝善馭術。得名譽。滿朝孫政定。自幼如駿府。今川範政養之。更族稱加加爪。加爪系圖同家譜政定子忠定。領遠州山名莊新地鄉。是爲政豐曾祖父。政豐小字千增。仕今川義元。年甫十歲。長久保之戰。父泰定依義元命。出陣接戰。被傷而死。義元賞授其遺跡於政豐。家譜政豐稱備前守。永祿十一年。東照宮入遠州。政豐迎之。先殺納款。賜本領。系圖系譜元和七年。歲八十四而卒。法名松月。家譜白號東雲院。諡號子政尙。或作字甚十郎。從長湫及小田原。常近侍東照宮。藩翰譜文祿四年春。叙從五位

下稱備前守。武家補任、或作隼人正、慶長元年閏七月。在伏見城。會地大震。東照宮館門爲之壞。政尙被壓卒。歲二十五。國史實錄、藩翰譜、備前考系圖、子忠澄。字甚十郎。父死年。台德公召令元服。賜諱字。大坂兵起。列使番。夏役。自力戰。獲敵首級。家譜、藩翰譜、元和元年冬。叙爵稱民部少輔。武家補任、寬永十一年。受命赴長碕。檢耶蘇蠻船。悉燬之。後爲大目附。累加采邑。賜九千五百石。十八年正月。東府下桶町火。忠澄出墮騎而卒。歲五十六。藩翰譜、備前考系圖、一本續王覽。子直澄。叙從五位下。稱甲斐守。歷扈從部隊長。爲番頭。繼父。爲書院番頭。大番頭。寬文元年冬。爲

寺社奉行。加賜五百石。列侯籍。八年。累賜三千石。十年十二月。悖旨罷職。閉居。先是有臨時會議。於評定處。松平信興受命來賚菓。慰寒天之勞。諸有司皆拜命之辱。直澄惟睡眠不覺。頗缺禮典。故違旨云。延寶七年。致仕。藩翰譜、中興盛衰記、子直清。叙爵稱信濃守。先卒。養子直清。叙從五位下。稱土佐守。繼采邑。天和元年二月。坐有私曲事。邑除。配流伊勢神戶。家絕。舊章錄、續藩翰譜、中興盛衰記、中山家範。武藏人也。姓丹治氏。父曰家勝。稱勘解由。左大臣多治比島二十四世孫也。累世族稱加治。後

因住中山。更族稱焉。家範繼稱勘解由。隸北條氏輝。中山家譜天正十八年。關白秀吉征伐小田原。氏輝在小田原。使其部下橫地長次守入王子牙城。家範于中郭。狩野入道一庵于一菴郭。金子家重于金子郭。近藤助實于山下郭。六月。前田利家。上杉景勝率師一萬五千餘。昧爽毀街口而薄城壁。利家自前門。景勝自後門。景勝先鋒藤田信吉以平井無邊爲嚮導。傳東面溪間水路。附一菴郭。破柵而入。又松山降人難波田憲次。木呂子友則。金子家基。山田直安等。逼山下郭。城中兵雖寡單。守義重節。竭力防拒不撓。助實

死之。大三川志、武德大成記長次亦決死禦戰。利家族中川光重。前田利太勵。衆乘壁。師繼之。薄中郭。家範嘗強勇。且精練馭術。努力不屈。多衆誑敵。連發矢丸。擊殪數百人。大三川志、武德編年集成長次褻氣於大兵。終棄城而遁。走中郭守禦。矢丸皆盡。家範隊下戰死。或逃者多。家範暨一庵謂餘兵曰。我嘗浴氏輝恩久矣。欲以死酬之。汝等須免去。兵士奮激曰。願與君俱死生矣。奚爲遯走矣乎。皆竭死力血戰。利家亦謂先觸殿下怒。今不拔此城。則父子俱自殺。以露赤心矣。先欲奮勵。其部長山碕長德。前田又二郎等先登。遂陷金子郭。家重

死之。大三川志家範一菴猶苦戰。利家軍殆破。會軍監太田一吉。麾衆先登乘壁。初城中禦兵三百許人。迨是僅十餘人。且城中有反者。縱火於樓櫓。守兵散亂。一菴家重。及大石信濃守等皆戰歿。家範亦勢盡。與殘兵自殺。利家未識。酷感家範勇膽。謂壯武如斯。不忍令死。急求得家範親戚根岸定直。及馭術高弟小岩井雅樂助二人。遣諭其意。到則妻氏已自殺。家範未暝。二人通利家意而去。利家痛惜。牙城及中郭既陷。藤田信吉乘二郭。終全拔之。景勝部下所獲首三百七十三級。利家所獲二百八十餘級云。大三川志

○大三川志引翁物語云。八王子城所獲首級。利家部下三千。景勝百五十。以獻行營。左右或評曰。景勝雖武功也。獲首不及利家。關白秀吉聞之曰。若等言過矣。不知爲不知。夫八王子城。不可多兵也。利家所獲。疑是多鄉人農夫首級矣。景勝所獲百五十。真是兵士首也。其功大超利家也。不知者不可說云云。然首級未有所考。且加越兩軍。所獲首級。甲乙甚矣。因以附焉。三國志載。利家部下獲有名首三十五。夫卒二百四十。景勝有名者二十一。卒三百七十級云。

實六月二十三日也。家範時四十三歲。法名宗無。家譜  
○野史氏今按。在竹家傳云。在竹貞賢。姓中臣氏。  
世阿伎留神社詞官也。祖父貞通。延德中。與伊勢  
長氏赴駿河。憑今川氏。所謂早雲七人之其一也。  
屢建功。食駿州田方郡久寢鄉。其父貞武。竊誡曰。  
子生神祇家。而執戰耽武。是非其人。而居其職也。  
我宗祖高連。因足利尊氏所請。得祝祠料。春秋祭  
祀無廢缺。方今長氏乘世亂。睚眦山東。人皆彈指  
之。子悔非不改。則先靈忿加罰。必矣。人之有道也。  
猶魚之有水。不如去武復職。與君俱存亾矣。於是

貞道辭而歸家。繼職。後讓職於子貞齊。學醫好樂  
而終。貞賢貞齊子也。稱內膳。族稱高倉。天正十八  
年二月。北條氏輝老橫地長次。及狩野一庵。移簿  
曰。速入城。宜禱勝利于地主社也。於是貞賢率祝  
祠內記小野將監等。祝神部合一百三十人。入入  
王子城。日夜祈請地主社。迨六月朔日亭午。晴天  
俄然陰暝。烈風飛礫。巨木斷折。毀裂神殿。祝十一  
人。神部九人立斃。有白鳩數十。出自神木朽穴。飛  
去乾方。中山家範望見。鞭馬來謂曰。神異現然。天  
之時不如地之利。守城從是去矣。唯固壁以警戒

云。貞賢亦謂衆曰。將領之一言。不可不報。我廻計策。佯降敵。則敵必解圍去。乘其卻。掩擊不意而死。不亦愉快乎。是月十三日。急襲敵陣。獲首四十四級。遂戰死。貞賢時歲六十云。今考諸書。無敢所徵。按大三川志載。六月十八日。利家景勝報捷於行營。秀吉弗懌。二將議請攻屠八王子城云。然則貞賢所鬪當敵爲誰矣乎。未有所考。故姑附以備後考。

家範有四男子。伯日照守。仲日信吉。叔某。稱尾張。季某。稱惡藏。叔季從父戰死于八王子城。家譜。照守初字

稱助六郎。小田原陷之後。與弟信吉。潛居于武州府中。東照宮聽家範爲其主。致節。下令探索兄弟。召而祿之。照守更稱勘解由。善馭術。後年傳之於台德公。大三川志。子直定繼而死。子直守繼。次男直張。分父采邑。殊仕幕府。死而子直好繼。直張三男直邦。本名直重。初字三五郎。因母氏族稱黑田。延寶八年。初仕于西城。爲近侍。叙從五位下。稱豐前守。累加賜食邑。歷奏者番。寺社奉行。叙從四位下。享保十七年。賜沼田。上。城列西城老中。累食邑。領三萬石。任侍從。養子直純。叙爵稱大和守。繼父。賜久留里。上。城。子孫相嗣。





野史 卷二百四十二

世侯。續藩翰譜、

信吉。初字左助。又菊太郎。更稱雅樂助。仕東照宮。慶長十二年。受命附威公子賴房。與成瀨正成。安藤直次。同其司職。叙爵稱備前守。家譜、信吉臨疾篤。遺囑。信正曰。子不存。不忠。不懷。怯弱。此二事。我已安意。他日如有預聞國政。則選能協子之心者。與不協者。鑒之於古之道。宜察知我所遺訓者。唯是而已。書、紳正初字稱大膳。仕台德公。後叙從五位下。稱東市正。慶元之後。父信吉告老。信正受命代其務。信吉歿而繼。為水戶侯傳臣。元和八年。賜松岡常陸城。食邑二萬

五千石。子孫相傳。附水戶侯家譜、





野史卷二百四十二終



